

նաց գմբեթին և պարանաւ ձգեալ հանին զնոս արտաքս :
 Եւ Ագրիանուպօլսեցի Մեկքոն վարդապետ Տեսուչն Հայոց
 'ի տաճարի անդ՝ կամեցեալ փախչիլ 'ի կողմն Լատինաց ,
 իրբեւ եհաս առաջի մատրան Գպթոց , հոսեցաւ 'ի վերայ
 նորա հալեալ կապարն մեծի գմբեթին և մնաց անդ ընդ
 փլատակօք . և յետոյ 'ի մաքրել զհողս եւ զքարինս տեղ-
 ւոյն , դաին զմարմին նորա՝ ունելով ընդ իւր գգրեանս
 Հայոց և զրեկորս արծաթոյ : Այրեալ տեղիքն են՝ ամբողջ
 վերնատունն Հայոց , խորանք , փայտակերտ սենեակք 16 ,
 ամենայն պարագայիւք , և ոչ մի ինչ վերծաւ անտի . Պա-
 տանատեղին Քրիստոսի , արտաքին մեծ դուռն տաճարին ,
 Գողգոթայի միայն զարդքն , տաճարն Յունաց , դարանք
 և սահարանք նոցին , շրջապատ Գերեզմանին , մեծ գրմ-
 բեթն : Ներքին կողմ՝ Գերեզմանին անփնաս և ամբողջ .
 Գիւտ խաչ , Լուսաւորիչ եկեղեցին Հայոց , Լատինաց եկե-
 ղեցին՝ և զարդքն անփնաս և ամբողջ . մի միայն մեծ փնասն
 եղև Հայոց եւ յետ այնորիկ Յունաց : Զպատմութիւն
 այրման տաճարին Ս . Յարութեան՝ գրեալ են ոմանք 'ի
 Ժամանակին յայնմիկ , որպէս և Թէոդորոս Պատրիարք 'ի
 նամականիս իւր , և դատաւորք 'ի դատաստանական գիրս ,
 յորոց քաղեալ եղաք աստանօր : Գրեալ է նաեւ ոտանա-
 ւոր բանիւք Նէոփիտոս Կիպրացի Յոյն կրօնաւոր , այլ լի
 թշնամանօք և անլսելի հայհոյութեամբ , զորս ոչ տանին
 մարդկեղէն լսելիք , զի սուսել զհետ մտեալ է իրբեւ
 գռեհիկ և դեղջուկ նախատակոծ բանիւք անարգել եւ
 անպատուել , մանաւանդ զբաբարտել և բամբասել զազգն
 Հայոց հանդերձ նոցին եկեղեցականօք , քան ուղիղ պատ-
 մութեան միտ դնել , որոյ վասն թողոյք ինքեան զվայ-
 րապար լուտանս նորին եւ մեք գրեսցուք որ ինչ եղևն
 յետ այնորիկ :

Ի ծագել արեղական եկին և ժողովեցան յարտաքին
 գաւիթ տաճարին՝ մեծամեծք այլազգեաց , քաղաքապետն ,
 Եէնիչէրի աղասին , Միւֆթին և այլք , և բազմութիւն մեծ
 խառն յամենայն ազգաց . դիմեցին անդր եկեղեցականք
 Յունաց և բողոք բարձեալ աղաղակէին՝ թէ Հայք դիտ-
 մամբ այրեցին զտաճարն , հոսին անդ եւ եկեղեցականք
 Հայոց և Լատինաց , եհարց քաղաքապետն ցՀայս , ընդէ՞ր՝